

YÜNGA NGUÜ 32

1. Fü tanga ta te me moro wü Pharaoh de wü kpara ka ye gbü dīkī ngü ne me nu ta de wü Israel neh kaye?

-Agbü ngara sü ka siki.

2. Ngara sü ne neh?

-Ngara sü la sü te dī bu de siki gbü ye ne.

3. Ta te me enü de wü Israel agbü ngara sü ne, wü Israel mere ta ne neh?

-Wü Israel siti ta ĩrī wü Moses ake Aaron.

4. Wü Israel siti ta ĩrī wü Moses ake Aaron neh te ngü neh?

-Tengü e mazü ta esaka üwü eyi ma.

5. Emazü ta esaka wü Israel ta ma neh ka neh?

-Ka ete emazü ta agbü sü ngara ma ne.

6. Moses ti ta eyi amala emazü agbü ngara sü ka siki la?

-Abala de.

7. Wü Israel ti ta eyi amaka emazü gbü ngara su la?

-Abala de.

8. Kpara te ti ta eyi a tü ema zü fü wü Israel agbü ngara sü ka siki ne ta neh de da?

-Ade me.

9. Me ewünda wü kpara tewü le ngü de neh ka neh?

-Tengü me reke wü kpara ‘burü maye.

-Tengü me le wü kpara ‘burü.

-Tengü me le aküwa wü kpara ‘burü.

-Tengü me de wü kpara ‘burü le ngü ni.

10. Je nī le ngü me de la, me ti eyī aküwa nī?

-Abala de.

11. Sö ta te me etö fü wü Israel etemirogo agbü ngara sü ka siki ne ta ne neh?

-Wü lü.

12. Wü Israel eī ta ambata ta te me etīma kpurutokö kpi ta ne neh?

-Manna.

13. E ta te me mala ga Moses mere de ngü koro ne ta ne neh?

-Me mala ta ga Moses mī da de rü kaye la.

14. Kpara te ti eyi aküwa nī esaka wezi wü sītī ngü, de kpi de Satana ne de da?

-Bu me.

15. Me kuwa ta wü Israel la tekeje ta te wü le ne?

-Abala de.

16. Me kuwa ta wü Israel ne baye?

-Te kaje ta te me le.

17. Me eküwa wü kpara ‘burü ne baye?

-Te kaje te engü ele.

-Wü Moses de wü Israel ne kaye?

-Wü na agbü ngara sü ka siki.

-Me mgbu ta kpafi a ti engegira nü fü wü Israel agbü ngara sü ka siki ne.

Ni Tanga La Gögö 19:1

1-Gbü te bata fü tanga ta te wü Israel ce Egypt ne ... gbü ra la fü üwü ta aköro afü da ka Sinai.

-Kpara ta te egü tamü sü te wü Israel emü tete ne ta ne de da?

-Ada me.

-Me egü ta tamü sü ta te wü Israel enu tete meye ne kaneh?

-Tengü me wü züka kaje bu maye:

-Bu baka ta te me wü züka kaje teka de wü kpara nü tete bu maye.

-Gara sü tate me nü de wü Israel tete ne ta ne kaye?

Ni Tanga La Gögö 19:2

2-Fü tanga ta te wü ce Rephidim ne, wü ri ta agü ngara sü ka Sinai, fü wü Israel ta a mgbü agbü ngara sü ka Sinai la engerira daa la.

-Me nu ta de wü Israel kpafü da ka Sinai.

-Mu wu Da ka Sinai kpö?

-Da ka Sinai de da ta te me romo fü Moses agbü macuru ganī fefe ne.

-Me mala ta fi Mose agbī ma curu genī la ta ga ne?

-Me mala ta ga ni na adü aköro de Moses fü da ka Sinai.

-Me duköro ta de Mose eyi fü da ka Sinai?

-Weyi.

-Baka ta te Pharaoh le ta amoro Mose fü me abanda Moses adü aköro de engü fü Da ka Sinai.

-Ni na a le wü ngü ‘buru te me emala tengu me emere wü ngu ‘buru te engu emala.

-Ta te wü Moses de wü Israel koro ta fu da ka Sinai ne, fu me ta a I Moses kpafau da.

-Me I ta Moses kpafuda ne tengu neh?

-Me la a a romo fu Moses.

Ni Tanga La Gogo 19:3-5a

3-Fü Moses ta anü ye kpaka me, fü me ta ai engü fü da fa amala ga, “Dene ngü te mü ena amala fü gba Jacob de ngü te mü na amala fü wü Israel ne:

4-‘Yi cika e ta te ma mere fü Egypt ne eyi, de kaje te ma bi yi fü mbula damgba fara aköro deyi kpaka ra ne.

5-Te yi je ngü kara ‘buru fi yi a mere wü reke ngü kara la ezingba wü kötö ‘buru yi ena amgbü wü kpara kara. Ma wu kpö ga kötö ‘buru de ndara, yi na amgbu fere de sü ka tadu tö te di njila,’ Dela ngü te ma le de nu mala fu wü Israel ne.”

-Me mala ta fü Moses kpafü da ne ga neh?

-Me le ta areke ngü de wü Israel.

-Me le ta amere de wü Israel ne reke ngü neh?

-Me mala ta ga te wü Israel je wü riri keni ‘buru la ni na a tö maku fü üwü.

-Te wü Israel mere ta wü riri kaka ‘buru de la me ena amere ta ne nehy?

-Me ena ta ato mbusa fü üwü.

-Fü Moses ta anü amala ngü ta te me mala ne fü wü Israel.

-Enga wü Israel mala fa fü Me ga neh?

Ni Tanga La Gogo 19:7-8

7-Fü Moses ta adü fa ai wü cogboro wü kpara fa a ö wü ngü ‘buru ta te me mala ne fü üwü.

8-Fü wü kpara ta ale ‘buru fü üwü a mala ga, “ Ni na amere wü ngü ‘buru te me mala ne.” Fü Moses ta adü amala ngü te wü mala ne fü me.

-Wü Israel mala ta fü me ga ani ena amere wü ngü ‘buru te me mala ne.

-Wü Israel fi ta wü ngü ‘buru ta te wü mere ngü ka me de ne eyi?

-Abala de.

-Wü Israel wu de ga ani wü ta de ga me ena a küwa ni gbü diki ngü ka wü Pharaoh de wü kpara kaye ta te wü efa nga üwü ne.

-Tö wü Israel iri ta eyi te ngu ta te wü ga me ti atö emazü de ngü fü ani gbü ngara sü ka siki de ne de.

-Wü Israel fi ta ga ani ti eyi amere wü riri ka me ‘buru?

-Weyi.

-Wü Israel fi ta ga ani ti eyi amere wü riri ka me ‘buru ne ka neh?

-ke e ta te wü de tadu de mere te mere e ne.

-Wü Israel ti ta eyi amere wü riri ka me ‘buru?

-Abala de.

-Wü Israel ti ta amere wü riri ka me ‘buru de neh ka neh?

-Ke ete wü yaka ta üwü de ye wü Adam ake Eva ne.

-Tengü wü yaka ta üwü wü kpara ka tima ka Satana ne.

-Wüh yaka wü kpara ‘buru ye wü Adam ake Eva.

-Wüh yaka wü kpara ‘buru kpara ka tima ka wü siti ngü.

-Wü yaka wü kpara ‘buku wü kpara ka tima ka Satana.

-Me wü ta kpö ga wü Israel ti ta amere wü riri kaye ‘buru de?

-Weyi.

-Te me wü ta kpö ga wü Israel ti amere wü riri kaye ‘buru de la, engu le ta areke ngü de wü Israel tengü neh?

-Mü ti eyi areke ngü de kpara te mu wu ga ati a mere ngü la de ne?

-Abala de.

-Te me wü ta kpö ga wü Israel ti amere wü riri kani ‘buru de la, enga ale ta areke ngü de wü Israel ta ne tengü neh?

-Me le ta areke ngü fü wü Israel ne ka e te ale ta agü tamü ngü fü wü Israel.

-Me le ta agü tamü ngü neh fü wü Israel?

-Me le ta de wü Israel wü ga ani ti a mere wü riri kani ‘buru de.

-Wü Israel emere ta de ani mere wü riri ka me ‘buru wü ti ta de.

-Me le ta de wü Israel wü ga ani ti amere wü riri kani ‘buru de ka e te wü yaka ta üwü agbu siti ngü ne.

- Me le ta de wü Israel wu ga, Ka ete wu ti anmere wü riri kani ‘buru de ne, Me ena ati aküwa üwü ka kpi te di fi bedi ne maye.
- Ka eta te wü Adam ake Eva duru ne, ye wü Yaka ta ‘buru gbu siti ngu.
- Ka e ta te wü Adam ake Eva duru ne, wu yaka ta wü jeji ka üwü ‘buru de siti magü ma wü.
- Tengü wü Adam ake Eva duru ta ne, wü jeji ka üwü koro ta ‘buru de jeji ka wü siti ngü, ka kpi de ka Satana.
- Ka eta le wü Adam ake Eva je ngü ka Satana ne, fü wü jeji ka üwü ta aköro de kpara ka tima ka wü, siti ngu, kpi de Satana.
- Me le ta de wü Israel wü wü sitingü ka üwü.
- Me le ta de wü Israel wu wü duru ka üwü.
- Me le ta de wü Israel wu ga ani kpara ka tima la siti ngü.
- Me le ta de wü Israel wu ga ani de kpara ka tima ka Satana.
- Me le ta de wü Israel wu ga te ani kugba fü me de aküwa ani de la, wü sitingü ka üwü ena amöro üwü.
- Me ena aküwa ni bu maye ka wü siti ngu ka ni.
- Me ena aküwa ni bu maye esaka kpi.
- Me ena aküwa ni bu maye esaka Satana.
- Dene ngü ta te me reke de wü Israel ne:
- Te wü Israel mere wü riri kaka ‘buru de la, me ena ambusa üwü.
- Te wü Israel mere ta wü riri kaka ‘buru de la, me ena ambusa üwü.

-Fü tanga ta te Moses mala fü me ga wü Israel ga enai ena amere wü riri ‘buru te me to la me mala ta ga ne?

Ni Tanga La Gogo 19:9a & 10-11

9a-Fü me amala fü Moses, “Mana aköro füyi agbü mere burungü, de wü kpara la je te ma eromu de mu, de wü mgbü aje ngü te mu emala.

10-Fü me amala fü Moses ga ne, “mu nu fü wü kpara la de mu ö kparamu gbü njo üwü eletikine de egembi. Wü zuru wü bongö ka wü.

11-de wü di njiya wü gbü ra bata la, tengü gbü ra la me ena aköro fü da ka Sinai de wü kpara ‘burü wu.”

-Me mala ta fü Moses ga ni na aköro fü da ka Sinai de wü Israel reke te üwü.

-Me eköro ta fü da ka Sinai ne amere neh?

-Me le ta de wü Israel wu ga ni de njila.

-Me le ta de wü Israel wu ga ni le wü siti ngü ‘burü de.

-Me le ta de wü Israel wu ga ni to kpi teka wü sitingü.

-Me mala ta kpa fü Moses ga areke kaje ezimba da ka Sinai.

Ni Tanga La Gogo 19:12-13

12-Fü me ta amala ga, “mu reke kaje fü wü kpara la fü da ka Sinai de mü mala fü üwü ga, ‘yi ya anü fü da la wala a ö kpayi teke de. Te kpara ö kpaye eyi te da la, ana akpi.

13-Wü na aza engü de teme tobala de wü na aso engü de keze; wüh ya a ö kpawü tete de. Te mündü te a nu la ati a f öwo de? Bu te wüh uru ti kabiliki eyi la fü üwü anü kpa füda la.”

-Me le ta de Moses reke kaje ezimgba da ka Sinai ne ka neh?

-Tengü Me le ta de kpara ö kpaye te da Sinai de.

-Me le ta de kpara ö kpaye te da ka Sinai dene ka neh?

-Tengü me e köro ta fü da ka Sinai.

-Te wü Israel ö ta kpawü te da ka Sinai la, e ta te ena amere ne neh?

-Wüh na kpi.

-Wü Israel ena akpi ta ne kane te wüh ö kpawu te da ka Sinai la?

-Ka ete me eköro ta fü da ka Sinai la.

-Ka ete me kaye njila ne.

-Ka ete me le wü Siti ngü ‘buru de ne.

-Ka ete me emoro wü kpara ka siti ngü ne.

-Gbü sikpi bata kpne tokpi fü me ta akoro ye fü da ka Sinai.

Ni Tanga La Gogo 19:16-18

16-Kpuru tokpi ka sikpi bata la fü mugbarata amgbü asü de mere burumgü fü da la, de mere giri ti. Fü wü kpara agbü camp la ta ‘buru akpe cürü.

17-Fü Moses ta anü de wü kpara teke a maka me, fü üwü ta arü ndaüwü esa da la.

18-Da ka Sinai ni ta ‘burü ka ngüwa ka etate me eköro fefe agbü wa ne. Ngüwa la, da eyiki ta ‘burü ayiki.

-Me koro ta kötöfū da ka Sinai.

-Mugbara yiki ta ede da la ‘burū ayiki.

-Wa mugbara sita sū kpati kpi ede da la ‘burū,.

-Fū ngūwa ta ani da la ‘burū.

-Fū giri trompet ta ra wū ye.

-Fū Na la ta ayiki yi de wazi.

-Fū me ta akōro ye fū da la agbu wa.

-Cūrū mere ta wū Israel eyi?

-Cūrū mere ta üwü de ba ne la.

-Wūmugbara de wū wa mugbara, de ngū wa de wū wa la wū gūta ne tamu ngū neh?

-Ga Me de njila.

-Ga me la wū siti ngū ‘burū de.

-Ga me eto kpi ka wū siti ngū.

-Gbū ra ka wū Noah me tima ta kpi wū siti i ngū.

-Me tima ta kpa kpi gbū ra kawū kpara ka Sodom ake Gomorrah.

-Gbü ra ka wü Pharaoh, Me tima ta kpa kpi gbü njo üwü.

-Me eto kpi te wü siti ngü ‘burü.

-Me koro ta fü da ka Sinai fa a i Moses fü da kpala.

Ni Tanga La Gogo 19:20-25

20-Me köro ta fü da ka Sinai fa a i Moses kpa fü da la. Fü Moses ta anü ye kpala.

21-Fü me amala fefe ga, “mu dü kötö la de mu mala fü wü kpara ga wü ya aköro teka a cika me fü üwü akpi wü de.

22-Wü Pastor kpa bala, te wü le aköro gba meri la wü zuru teüwü mbi te abala de me ena azinga ekute üwü.”

23-Fü Moses amal fü me ga, “wü kpara la ti aköro fü da ka Sinai akini de, ka ete mu mala ta eyi fini ga, ‘mu reke kaje ede da la de mu ö engü njila ne, ’”

24-Fü me amala lügu ga, “mü nü kötö la de mu koro de Aaron, wü Pasto de wü kpa ra la wü ya aköro teka acika me de, ka ena a zingba ekute üwü”

25-Fü Moses ta anü amala fü wü kpara la.

-Me mala ta fü Moses ga te wü Israel o kpawu te da la, wüh na akpi.

-Me le ta de Moses Köro fü da la ta ne ka neh?

-Moses ta ye wü Adam ake Eva nda de?

-Weyi.

-Wüh yaka ta Moses kpa agü siti ngü nda de?

-Weyi.

-Me le t de Moses nu fü da la ne ka neh?

-Ka e ta te Mose le me eyi ne.

-Ka e te Moses koro ta kpaka me te kaje ka me ne.

-Ka e ta te Moses koro kpaka me te kaje ta te me mala ne.

-Mesiya ta Moses de adi baka mürü tima kani.

-Mesiya ta Moses de a za ri ye fü wü Israel.

-Te wü Israel le ta aje ngü ka Moses de la wü le ta kpa aje ngü ka me de.

-Kici kpa ka me de Biblia ne, deri me füwü kpara ‘buru.

-Te ni asi de aje ri me te di agbü kicikpa kaka de Biblia ne, ni asi eyi kpa de aje ri me.

-Te ni asi de aje ri me la, me ena ambusa ni fi bedi.

-Gbü gara yünga la ni na a wü ngü teka wü riri ta te me tö fü wü Israel de wü kpara ‘burü ne.